

جریدہ علمیہ

مشیت جلیلہ اسلامیکہ جریدہ رسمیت میں

ربیع الاول ۱۳۳۸

عدد ۵۱

آیدہ بر نشر اول نور

بشقی منہ

قوانین و نظامات

معاشات ضماعی حقده قرارنامه

تقویم وقایع ایله نشر واعلامی : ۲۰ ربیع الاول سنه ۱۴۳۸ و ۱۴ کانون اول سنه ۱۳۳۵
نومرو : ۳۷۲۲

۱

محمد وحید الدین

رتبچی ماده — موازنه عمومی داخلده معاش آلان مأمورین ملکیه ، عسکریه و علمیه (اعیان داخل) مخصوص مأموریت ویا رتبه معاشلرندن ماعدا آتیده کی نسبتلر دائره سندده تخصیصات فوق العاده اعطا اولنور :

۱ غروشدن ۱۰۰۰ غروشه قدر معاشی اولانلره معاشک اوچ مثل ۱۰۰۱ غروشدن ۳۰۰۰ غروشه قدر معاشی اولانلره معاشلرینک بیک غروشه قدر اولان مقداری ایچون اوچ مثل و بیک غروشدن فضله سی ایچون بر مثل

۳۰۰۱ غروش ودها زیاده معاشی اولانلره معاشلرینک اوچ بیک غروشه قدر مقداری ایچون قاعده سابقه وجهله و اوچ بیک غروشدن فضله سی ایچون بوفضله نک یوزده یتیمش بشی .

آنجق آلتی یوز غروشدن دون معاشی اولانلره ویریه جک تخصیصات فوق العاده آلتی یوز غروش معاشی اولانلره ویریه جک تخصیصات فوق العاده مقدارینه و طقوز یوز غروشدن دون و آلتی یوز غروشدن فضله معاشی اولانلره ویریه جک تخصیصات فوق العاده مقداری دخی طقوز یوز غروش معاشی اولانلره ویریلن تخصیصات فوق العاده مقدارینه ابلاغ اولنور . ضابط وکیلرلیه دردنجی صنف منسوپین عسکریه و طابور حساب مأمور وکیلرینک وجهت بحزیه دن بونلره معادل معاش آلانلرک بو وجهله حساب ایدیه جک تخصیصات فوق العاده لرینه آریجه یوز غروش ضم اولنور فقط رتبه لرینک فوقنده بالفعل قوماندانلق مقاملرینی اشغال ایدنلره مقام معاشلری ایچون تخصیصات فوق العاده اعطا ایدیلوب یالکیز رتبه معاشلری اوزرندن تخصیصات فوق العاده ویریلور . ممالک اجنیه ده بولنان

مأمورین خارجیہ معاشات و مخصصاتك اعلان سفر بریدن اول محلری مسكوكات اجنیه حسابیلہ طوتاریلہ مأمورین مومی الیہمك اليوم المقده اولدقلری معاش واشبو قرارنامہ حکمنجہ آلہ جقلری ضائمك محلری رائج حاضرینہ كورہ طوتاری آردہ سندہ ضررلرینی مستلزم اولان فرقك مسكوكات عثمانیہ حسابیلہ مقابلی تخصیصات نامیلہ آرینجہ تسویہ اولنہ جقدر .

ایکنجی مادہ — ممالك اجنیه دہ تحصیلدہ بولنان طلبیہ ومقتضلرینہ مادہ سابقہ توفیقاً تخصیصات فوق العادہ اعطا اولنور .

اوجنجی مادہ — بالفعل ایفای وظیفہ ایتمکسزین معاشلرینی تماماً و یا قسماً المقده اولان مأمورینہ آلدقلری معاشك مقدارینہ کورہ برنجی مادہ موجبنجہ اصابت ایدن تخصیصات فوق العادہ نك نصفی ویریلور. آنجق آچقده بولنان میرآلای قائم مقام و بیکیباشی ایلہ اوج بیک غروشدن (اوج بیک غروش داخل) بیک بش یوز غروشه قدر (بیک بش یوز غروش داخل) منسوین عسکریہ برنجی مادہ موجبنجہ اصابت ایدن تخصیصات فوق العادہ نك یوزدہ آلتش بشی و یوز باشیلرلہ بیک اوج یوز غروشدن (بیک اوج یوز غروش داخل) بیک غروشه قدر (بیک غروش داخل) معاشلی منسوین عسکریہ تخصیصات مذکورہ نك یوزدہ یتشی وملازملرلہ ضابط وکیلی ومعاونی واو درجہ دہ کی منسوین عسکریہ تخصیصات فوق العادہ اولہ رق ویریلور .

دردنجی مادہ — یومیہ لی مأمورین ومستخدمینہ تخصیصات فوق العادہ ویرلر بوجہ نك کرک معاش و کرک مصرف فصللرندن معاش ویا اجرت شہریہ آلان مأمورین موقہ مأمورین دائمہ کی تخصیصات فوق العادہ آلیر. آنجق مأموریت ویا تقاعد ومعزولیت معاشی اولوبدہ آرینجہ اجرت شہریہ ایلہ بروظیفہ دہ مستخدم اولانلرہ اشبو اجرتدن دولایی تخصیصات فوق العادہ ویرلر .

بشنجی مادہ — معاشلی معزولین ملکیکہ وعلمیہ ایلہ متقاعدین ملکیکہ وعلمیہ وعسکریہ دن ودیون عمومیہ بوجہ سنك قرق برنجی فصلندن معاش آلان شرفای کرامدن معاشلری درت یوز غروش ودها دون مقدارده اولانلرہ مقطوعاً آلتی یوز غروش تخصیصات فوق العادہ ویریلور. بونلر دن معاشلری درت یوز غروشدن فضلہ اولانلرہ المقده اولدقلری معاشہ معادل معاش آلان

مأمورینه ویریلن تخصیصات فوق العاده نك نصفی و دیون عمومیه بودجه نك الی ایکنجی، الی اوچنجی، الی دردنچی فصللرندن معاش آلان ایتم وارامل ایله قرق دردنچی فصلندن معاش آلان محتاجیندن یوز غروش ودهادون معاشی اولانلره جزؤ داندە محرر مقدار نفوسك هر برینه عابد معاشاتك برحق مثل یوز غروشدن فضله معاشی اولانلره معاشلرینك بر مثل تخصیصات فوق العاده اوله رق ویریلور. آنجق یوز غروشدن فضله معاشی اولانلره ویریه جك تخصیصات فوق العاده نك مقداری یوز غروش معاشی اولانلره ویریه جك تخصیصات فوق العاده دن دون ایسه اول مقداره ابلاغ اولنور. دیون عمومیه بودجه نك سائر ترتیلرندن معاشی اولانلره آلمقده اولدقلری معاشاتك نصفی نسبتندە تخصیصات فوق العاده ویریلور. مستحقین رجال علمیه ترتیلندن معاش آلان رجاله متقاعدین و معزولین مثللو وائانه ایتم وارامل، ملکیه و علمیه و عسکریه مثللو تخصیصات فوق العاده اعطا اولنور.

آلتنجی ماده — مأموریت اصلیه سی اولوبده آخر بر مأموره وکالتندن دولای وکالتندن معاش آلانلره معاش اصلیلریله وکالت معاشندن هانکیسك مقداری زیاده ایسه آنک اوزرندن تخصیصات فوق العاده ویریه جکدر .

یدنچی ماده — بر مکتبده ویا مختلف مکتبلرده متعدد معلملکی بولنان بر معلمه هر بر معلملکدن آلدینی معاش ویا اجرتلر بالتوحید بالغ اولدینی مقداره کوره تخصیصات فوق العاده حساب اولنه جنی کی مأموریندن بولنان معلمینه دخی مأموریت معاشیه معلملک اجرتلرینك مجموعی اوزرندن تخصیصات فوق العاده اعطا ایدیور. آنجق تقاعد و معزولیت معاشی آلانلردن معلملکده مستخدم بولنانلرک تقاعد ویا معزولیت معاشلری ایچون آیری و معلملک اجوراتنك مجموعی ایچون آیری تخصیصات فوق العاده حساب اولنه جکدر .

سکزنجی ماده — اشبو تخصیصات فوق العاده هیچ برکونا توقیفاته تابع اولمدینی کی دین ایچون قابل حجزده دکلدور .

طقوزنجی ماده — معاشاته مختلف نسبتندە تخصیصات فوق العاده علاوه سنه و نفرا تک غیر ی رتبه سز مأمورین و منسوبین عسکریه نفرتعینی ضمنه و پوسته و تلغراف مأمورلریله بولیسره وولایات مستخلصه مأمورلرینه و سائریه مختلف نسبتلرده ضم ویا نفرتعینی ویرلسنه و مأمورین ملکیه و علمیه و عسکریه و سائرلرینه بهالیق ضمی اعطاسنه دائر شیمدییه قدرنشر ایدلمش اولان قانون و قرار نامه لر ایله ۱۹ تحریران ۱۳۳۵ تاریخلی

عاشه قرارنامه سنك مأمورین و متقاعدین و ایتم و ارامل ملكیه و علمیه و عسكریه ایله معاشات ذاتیه اصحابك اكمك بدلی اعطاسنه دائر اولان احكامی و امرا و ضابطان و منسوبین عسكریه به بلا بدل اكمك اعطا ایدیه جگنه دائر ۱ تشرین اول ۱۳۳۵ تاریخی قرارنامه حلفادر .

اوتتجی ماده — اشبو قرارنامه ۱ كانون اول ۱۳۳۵ تاریخندن معتبردر .
اون برنجی ماده — اشبو قرارنامه نك اجرای احكامنه هیئت وكلا مأمورددر .
مجلس عمومینك اجتماعنده قانونیتی تكلیف اولنق اوزره اشبو قرارنامه نك موقع سرعته وضعی اراده ایلدم .

۱۹ ربیع اول ۱۳۳۸ ۱۳ كانون اول ۱۳۳۵

خارجیه ناظری	مجلس و کلایه ما، و راعیاندن	شیخ الاسلام	صدراعظم
مصطفی رشید		ابراهیم الحیدری	علی رضا
شورای دولت رئیس	بحریه ناظری	حریه ناظری	داخلیه ناظری
عبدالرحمن شرف	صالح خلوصی	جمال	محمد شریف
تجارت و زراعت ناظری	نافعه ناظری	مالیه ناظری	عدلیه ناظری
محمد هادی	عبوق احمد	توفیق	مصطفی نوری
		معارف ناظر و اوقاف	عمایون ناظر و کبلی

۱۳۳۵ سنه مالیه سی مسققات ویرکوسنك تعیین مقادیرینه و حرب ویرکوسیه
تجهیزات عسكریه حصه سنك الفاسنه و بعض بقایانك عفوینه دائر قرارنامه

۲

محمد وحید الدین

برنجی ماده — اجرای تجارتده و صنعتده استعمال اولنان مسققات ایله قانوناً مسققات
احكامنه تابع اولان عرصه لردن و سکنی اولق اوزره کیرایه ویرلش خانه و آپارتمانلردن
۱۴ حیران ۱۳۲۶ تاریخی مسققات ویرکوسی قانونی ایله ۲۴ تموز ۱۳۰۲ تاریخی
املاک ویرکوسی نظامنامه سی موجبجه استیفاسی لازم کلن ویرکویه ۱۳۳۵ سنه مالیه سی
ایچون یوزده اوچ یوز ضم اولنمشدر . شوقدرکه اشبو محللرک ۱۳۳۵ سنه سی ابتداسنده
تحقق ایتدیریلن ویرکوی اصلیمی ایله بوکره بابیه حق اولان ضمك یکونی بدل ایجارک

کارگیر مبناید یوزده اون ایکی واخشا بلرده یوزده طقوز نسبتی تجاوز ایتدیکی اشبو قرارنامه تاریخندن لاقول بر آی مقدم تاریخی رسمی ایجار مقاوله نامہ سی ویا وثائق ساثره رسمیه ایله اثبات اولندیکی تقدیرده مع ضم ویرکوی اصلی مذکور یوزده اون ایکی و یوزده طقوز درجه لرینه تنزیل اولنور آنحق بوصورتله بدل ایجارک یوزده اون ایکی ویا طقوزی درجه سنده اوله رزق تعیین اولنان مقدار ویرکوی اصلی ایله آنک یوزده سکسان بری مجموعندن نقصان چیقار ایسه نقصانه اعتبار اولنیوب مجموع مذکور آنور .

ایکنجی ماده — ایجار بدلات سابقه سنک هیچ تزیید ایتدیکنه ویا تزیید واقمک یوزده اوچ یوز درجه سنده واصل اولدیغنه دأر واقع اوله حق مراجعاتک تحریری اولسی واشبو قرارنامه نک هر یرده تاریخ نشرندن اعتباراً نهایت اوتوز برکون ظرفده ویرکویه تابع بولنان اموال غیر منقوله نک تابع بولندیکی تحققی شعبه سنده و تحققی شعبه سی اولیان یرلرده ویرکو دائره سنده اعطا ایدلسی شرطدر . مدت مذکوره ظرفده هر نه سبب و بهانه ایله اولورسه اولسون مراجعت تحریریه واقع اولدیکی حالده اوغیر منقول حقه کی ویرکو یوزده اوچ یوز ضم ایله کسب قطعیت ایدر ویریلن عرض حاللر بر دفتر مخصوصده قیدایله برار صاحب استدانک مراجعتی مثبت اولق اوزره یدینه شعبه تحصیلیه طرفندن مهر رسمی ایله مختوم و مأمورک امضاسیله محضی بر علم و خبر اعطا قنور .

اوچنجی ماده — اصحاب نک اقامت ایتدیکی مسقفاتک ۱۴ حزیران ۱۳۲۶ تاریخی مسقفات ویرکوسی قانونی ایله ۲۴ تموز ۱۳۰۲ تاریخی املاک ویرکوسی نظامنامه سی موجبجه التقدیه اولان ویرکوی اصلیریه ۱۳۳۵ سنه سنده مخصوص اولق اوزره یوزده سکسان بر ضم ایدلشددر . یالکز برخانه مالک اولدقلری ثابت اولانلرک خانلری کندیلری اقامت ایتسه لر دخی اصحابی طرفندن اقامت اولنان خانلر درجه سنده مکلف طوتیلور .

دردنجی ماده — بدل ایجارک اثباتنه مدار اولق اوزره ابراز اولنان ایجار مقاوله نامه لریله ساثر وثائق رسمیه نک احتوا ایتدیکی مقدار فوقده اجرت طلبنه دأر مستأجرلر علیهنده اقامه اوله حق هر نوع دعاوی بی استماعدن حکام ممنوعدر .

بشنجی ماده — برنجی و اوچنجی ماده لر احکامی ویرکونک اصله عائد اولوب ضمیمه آنان اقسامه شامل دکادر .

التجی ماده — جریق محللرندکی عرصه لردن اصحابی یدینه چاپ اعطاسی تاریخنه قدر ویرکو النماز .

یدنجی ماده — برنجی و اوچنجی ماده لر موجبجه تحقق ایدیریه جک اولان ویرکونک کچمش تقیطره عائد فرقلری تحقق معامله لرینک ختامی عقبنده دفعه تحصیل اولنور . مکلفه اشبو ضمایم ایچون ویرکو تذکره سی تبلیغ اولنماز .

سکیزنجی ماده — ۵ رمضان ۱۳۳۰ ۵ اغستوس ۱۳۲۸ تاریخلی قانون موجبجه مسقفات ویرکوسنه ضمیمه موضوع اولان یوزده یکریمی بش حرب ویرکوسی ایله ۹۱ ذی القعدة ۱۳۱۷ ۲۹ شباط ۱۳۱۵ تاریخلی اراده سنیه حضرت پادشاهی موجبجه اراضی ومسقفات ویرکولرینه ضمیمه موضوع یوزده آلتی تجهیزات حصه سی ۱۳۳۵ سنه مالیه سی ابدا سندن اعتباراً ملغادر .

طقوزنجی ماده — ماده سابقه وجهله لغو اولان ضامک ۱۳۳۵ سنه مالیه سی ظرفده وقوع بولش اولان تحصیلاتی اشبو قانون موجبجه استیفا اوله جق ویرکو فضله سیله محسوب اوله جقدر .

اونجی ماده — مهجورین ایله ولایات مستخلصه اهالیسک بعض تکالیفدن معفویتلرینه دائر ۶ شعبان ۱۳۳۷ ۶ مایس ۱۳۳۵ تاریخلی قرارنامه احکامی باقیدر .

اون برنجی ماده ۲۵ جمادی الاخره ۱۳۲۸ ۲۰ حزیران ۱۳۲۶ تاریخلی قانون موجبجه شمدییه قدر کرک اراضی ومسقفات ویرکولردن و کرک مطلوبات سائرده دیون غیر منظمه مقابلنده تأجیل ایدلمش اولان بقایانک اصحابنک مراجعتنه انتظار ایدلمکسزین تقاص ومحسوب معاملاتی رأساً بالایفا اله جق و ویره جک قیدلری قیادیریه جق و بروجیه مذکور تقاص ومحسوب معامله سندن صکره ۱۳۲۴ سنه سی نهایته قدر اولان علی العموم ویرکوبقایانک اراضی وعرصه لر ایله یانمش و یقلمش مسقفاته عائد بولنانلرینک قیدلری ترقین ایدیله جقدر .

اون ایکنجی ماده — اشبو قرارنامه هر محله تاریخ نشرینک فردا سندن اعتباراً مرعی الاجرادر .

اون اوچنجی ماده — اشبو قرارنامه نک اجراسنه عدلیه ومالیه ناظرلری مأموردز .

مجلس عمومینك اجتماعنده قانونیتی تكلیف اولتمق اوزره اشبو قرارنامهك موقع
مرعیته وضعی اراده ایلدم .

۱۹ ربیع الاول ۱۳۳۸ ۱۳ كانون اول ۱۳۳۵
داخلیه ناظری خارجیه ناظری مجلس وکلايه مأمورعايندن شيخ الاسلام صدراعظم
محمد شريف مصطفى رشيد ابراهيم الحيدري علي رضا
ماليه ناظری عدليه ناظری شورای دولت رئيسی بحريه ناظری حربيه ناظری
توفيق مصطفى نوري عبدالرحمن شرف صالح خلوصی جمال
تجارت و زراعت ناظری نافع ناظری
محمد هادی عبوق احمد
معارف ناظری و اوقاف همايون ناظر وکيلي

توجيهات علميه

منحل اولان حکاری سنجاغی مفتیلکنه علمای محليه دن سيد جمال ، برغمه قضای
مفتیلکنه وکالتنده بولان رشدی افنديلر انتخاب و تعيين اولتمشلدردر .
۴ كانون اول سنه ۳۳۵

محمد وحيد الدين

دارالخلافة العلية مدرسه سی مفتش عموميلرندن اولوب فتواخانه يه نقلی تقرر ایدن
خرپوتلی مصطفى افنديك يرينه سندات خاقانی شرع مأموری فهمی افندی وانك يرينه
فتواخانه مسودلرندن سری افندی تعيين اولتمشدر .
بو اراده سنه نك اجراسنه مشيخت مأموردردر .

۱۵ ربیع الاول سنه ۱۳۳۸ ل ۹ كانون اول سنه ۱۳۳۵

شيخ الاسلام
ابراهيم الحيدري

محمد وحيد الدين

مدرس وکيلي مصطفى زفيق افنديك دارالحکمة الاسلاميه اعضالغنه نقلينه يرينه فتواخانه